

ne sie zu Pulver/ vnd nim dessen eine Eyseschal vol/ vnd so viel rhoten Sandel/ der schön pulverisirt sey/ Amethist 1. Loht/ Bonenmehl einer Haselnuß groß/ Mosß von einem todten Häupt einer Erbes groß/ vnd mache also ein Vnguent.

Wenn nun einer gestochen/ gehauen/ oder geschlagen wird/ so nim diese Salbe/ vnd salbe die Wehr oder das Waffent/ damit einer geschlagen worden/ aufwärts damit/ den Schaden darffstu nicht binden.

Nim ein reines Tüchlein/ binde den Schaden damit zu/ vndnd halte ihn rein/ hebe das Waffent auff/ thue es an einen heimlichen Orth/ vnd verbinde es/ wie eine Wunden/ vndnd setze es an einen Orth/ nicht zu warm noch zu kalt/ so heilt der Schaden von ihm selbst.

Wiltu wissen/ wie sich der Patient helt/ so schaw die Wehr an/ hat sie rhoten flecklein/ so helt er sich nicht. Wiltu ihm wehe machen/ so thue die Wehr in ein Röricht. Wiltu ihm wol machen/ so zeuch die Wehr durch ein frisch Fehr/ mache sie laulich/ vnd nicht zu heiß. Also heilt einer wenn er ober 20. Meilwegs ober Land ist/ wenn einer nur die Waffent bey ihm tregt. Wiltu daß er bald heil werde/ so schmiere das Waffent alle Tage zwey mal. Wiltu aber daß er nicht bald heil werde/ so schmiere es selten.

Eine Prob/ ob ein Mensch wenn er gestochen/ geschossen/ oder sonst verwundet ist/ lebendig bleibe/ oder nicht.

So nim dasjenige/ damit er beschädigt/ oder damit der Schade auff new gegründet ist/ menge des Pulvers von Sandel/ vndnd Blatstein/ ana/ vntereinander/ lege dasjenige darein damit der Schade geschehen/ ober das Fehr/ laß es warm werden/ daß du eine Handt darauff erleiden kanst/ vndnd strewe dieses Pulvers darauff/

3

Schwiz